

庶物類纂

蛇屬
自二十一至二十二

容

太政官文庫			
和書門	特別	三二	三四
	類	六二	五十四番
	號	函	架
		冊	四六五

內閣文庫	
番號	和 32362
冊數	465 (414)
函號	特 54 1

百内

共四十六



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂蛇屬卷之二十一目次

蝮

千歲蝮

芋爛莢

兩頭蛇

庶物類纂

卷二十一

蛇屬目次

蝮蛇

一名虺爾雅
 一名蛇虺爾雅註
 一名反鼻爾雅疏
 一名一

倍名罵母十和泉
 又名孤七法迷和泉州
 又名法迷讚岐州
 又名法覓丹波州
 又名法伊豫州
 又名一

無物類集 卷二十一

蛇屬 蝮

然母虛涯孤搭客州越前又名麼各麼各同上又
 名育各育各同上又名虛拉鹵州肥前又名虛拉
 孤七對馬又名鹵孤母十伊豆又名孤七拿
 法常陸州又名涯七盍煞迷州陸奥又名孤鎖歇
 虛同上又名罵歇虛州肥後

蝮

蝮虺博三寸首大如擘爾身廣三寸頭大如人擘指
 此自一種蛇名為蛇虺擘音拍○晉郭璞爾雅註博廣也首頭也
 擘指也此自一種毒蛇名蝮虺身廣三寸其頭大
 如人擘指案郭註三蒼云擘大指也蒼頡篇以為足
 大指皆得名擘故註云頭大如人擘指又名擘指孫
 炎云頭如擘指是也案舍人曰蝮一名虺江淮以南
 曰蝮江淮以北曰虺孫炎曰江淮以南謂虺為蝮廣
 三寸頭如擘指有牙最毒郭云此自一種蛇人自名

為蝮虺今蛇細頸大頭色如艾綬文文間有毛似猪鬣鼻上有針大者長七八寸一名反鼻如虺類足以明此自一種蛇如郭意此蛇人自名蝮虺非南北之異蛇實是蟲以有鱗故在釋魚且魚亦蟲之屬也

曷爾雅疏○十三經註疏

跌蚤爾雅蝮屬大眼有毒今淮南人呼蚤子跌音迭蚤烏洛切○

晉郭璞註蛇也蝮虺之屬大眼有毒一名跌又名蚤淮

南人呼蚤子者是也上同

夫毒陽氣也故其中人若火灼人或為蝮所中割肉

置地集沸火氣之驗也漢王充論衡

蝮蛇秋月毒盛無所螫螫草木以泄其氣草木即

死人樵採設為草木所傷刺者亦殺人毒治於蝮

謂之蛇迹也晉張華博物志

家有僮善執蛇晨持一蛇來謁曰是謂蝮蛇蝮毒蛇名色如

綬文鼻上有針大者長七八尺一名反鼻出南方犯於人死不治又善伺人

咳喘步履輒不勝其毒捷取巧噬音誓肆其害然或嫌

不得於人則愈怒嫌恨也反齧草木草木立死後人

來觸死莖猶墮指攣腕腫足攣力緣切腕烏切為癢病

蝮屬 蝮

必殺之是不可留。脊蝮蛇文。柳河東集。

時後蝮蛇形不長頭扁口尖頭斑身赤文斑亦有青
黑色者人犯之頭腹貼相著是也東問諸山甚多其
毒最烈草行不可不慎之又有一種狀如蝮而短有
四脚能跳來嚙人東人呼為千歲蝮或中之必死然
其嚙人畢即跳上林木作聲云研木研木者但營棺
其判不救若之博叔博叔者猶可急療之吳音呼藥
為叔故也。唐王肅先生外臺秘要方

楚辭曰蝮蛇綦綦封孤千里。太平御覽

廣志曰蝮蛇與土色相亂長三四尺其中久以牙歷
之裁斷皮出血則身盡痛九竅血而死。上同

機謹按淵鑑類函歷作標

淮南子曰虎豹不可使緣木蝮蛇不可以安足。上同
山南五溪黔中皆有毒蛇烏而反鼻蟠於草中其牙
倒勾去人數步直來疾如激箭螫人立死中手即斷
手中足即斷足不然則全身腫爛百無一活謂蝮蛇
也有黃喉蛇好在舍上無毒不害人唯善食毒蛇食
飽垂頭直下滴沫地噴起變為沙風中人為疾額上

有大王字衆蛇之長常食蝮蛇出朝野金載

蝮蛇之最毒者短形反鼻錦文亦有與地同色者子柳

曰目兼蜂蟄者足斷足著手斷手不爾合身糜潰又

善伺人聞人咳喘步輾輒不勝其毒捷取巧噬肆其

害七八月毒盛時齧木以泄其氣木即死又吐口中

涎沫於草木上著人身腫成瘡卒難主療名曰蛇漠

瘡衆蛇之中此獨胎產並陳藏器聞之淮南子曰蝮

蛇不可為足虎豹不可使緣木蝮在母胎時其毒氣

發作母腹裂乃生段成式云凡禽獸必藏匿形影同

於物類也是以蛇色逐地茅兔必赤鷹色隨樹淮南王書

曰蝮蛇蠱生又一種狀如蝮而短有四脚

能跳來齧人名為千歲蝮宋羅願爾雅推翼

文安公小隱園在妙淨寺南其西偏地勢陋僻久不

平泊蔓莽極目紹熙五年七月二十圃人徐三以正

午酌水放甕見二犬共擒一蛇大如柱其長五六尺

蛇回頭反齧其頰一犬徑啣蛇頭吞嚼喉間滯碍不

能伸縮復為蛇齧舌邊吐之俄頃犬死其一遭毒不

踰時亦斃蛇體黑花方紋間之遍身生毛茸茸然名

為鐵甲五步蓋蝮也宋洪邁夷堅志

陶隱居云蝮蛇黃黑色黃額尖口毒最烈虺形短而扁毒不異於中人不即療多死蛇類甚衆惟此二種及青蛙為猛療之並別有方蛇皆有足五月五日取燒地令熱以酒沃之置中足出術家所用赤連黃額多在人家屋間吞鼠子雀雛見腹中大者破取乾之唐本注云蛇尿療痔瘻器中養取之皮灰療丁腫惡瘡骨疽蛻皮主身痒癢疥癬等蝮蛇作地色鼻反口又長身短頭尾相似大毒一名虺蛇無二種也山南漢沔間足有之臣禹錫等謹按蜀本圖經云形麓

短黃黑如土色白班鼻反老山南金州房州均州皆有之陳藏器云蝮蛇按蛇既衆多入用非一本經雖載未能分析其蝮蛇形短鼻反錦文亦有與地同色者著足斷足著手斷手不爾合身糜潰其蝮蛇七八月毒盛時噬樹以泄其氣樹便死又吐口中涎沫於草木上著人身腫成瘡卒難主療名曰蛇漠瘡蝮所主略與虺同衆蛇之中此獨胎產嘉祐補註本草按王介甫字說云蝮觸之則復其害人也人亦復之故謂之蝮○蝮與虺陶氏言是二種蘇恭言是一種

今按爾雅云蝮虺身博三寸首大如擘是以蝮虺為一種也郭璞云蝮蛇惟南方有之一名反鼻細頸大頭焦尾鼻上有鍼錦文如綬文間有毛如猪鬣大者長七八尺虺則所在有之俗呼土虺與地同色顏師古云以俗名證之郭說為是又北史高道穆云復用元顥乃養虺成蛇是皆以蝮虺為二種矣蓋蝮長大虺短小自不難辨陶說為是柳子厚蝮蛇文云目兼蜂蠆色混泥塗其頸蹙忍其腹次且褰鼻鈎牙穴出捺居蓄怒而蟠嚙毒而趨亦頗盡其狀也抱朴子曰

蛇類最多惟蝮中人甚急但卽時以刀割去瘡肉投於地其沸如火灸須臾焦盡人乃得活王充論衡云蝮蛇含大陽火氣而生故利牙有毒明李東璧本草綱目埤雅蝮蛇一名虺怒時毒在頭尾螫手則斷手螫足則斷足蛇之尤毒烈者也一說江淮以南為蝮以北為虺一說蝮與虺異虺如土色蝮鼻反其上有針線文衆蛇卵生唯此蛇胎生生時輒圻剖母腹一名反鼻蛇前漢書蝮蛇螫手壯士斷腕明彭大翼山堂肆考字說曰蝮復也觸之則復其害人也人亦復焉淵鑑類

蝮蛇白斑黃領身短首尾相似口長鼻反聞人咳喘
步履聲捷巧前噬口中吐涎草木上著人身成瘡腫
曰蛇瘻難療同上

抱朴子曰蛇類多惟有蝮蛇中人至急一日不治則
殺人若不曉方術而為此蛇所中但以刀割瘡肉投
地其肉沸如火灸須臾焦盡而人得活也同上

蝮虫郭曰蝮虫色如綬文鼻上有針大者百餘斤一
名反鼻虫古虺字○任臣案楚辭蝮蛇綦綦是也蝮
大而虺小清吳任臣山海經廣註

廣志云蝮蛇與土色相亂其中人以牙櫟之裁斷皮

出血則身盡痛清王夢白詩經廣大全

蝮蛇肉大執膽微寒並有毒諸蛇皆是卵生惟蝮蛇
破母腹出惡毒尤烈故以蝮名其狀較諸蛇迥異形
短而粗嘴尖鼻反故又名反鼻蛇有頭斑身赤如錦
紋者有黃黑青黑而斑白者皆蝮蛇也有頭扁與土
同色而無紋者土虺也亦名曰虺字形相類之誤也
時珍曰蝮大虺小其毒則一抱朴子言蛇類最多惟
虺中人甚急即時以刀割去瘡肉投之於地其熱如

灸須臾毒盡人乃得活一種形如蜥蜴長一二尺者
千歲蝮也年久脚生能跳上樹噉人噉已還樹垂頭
聽人哭聲頭尾相類大如搗衣杵俗名望板歸言被
其噉必死專望板歸以備殮具也蘇頌以細辛雄黃
等分為末內瘡口中日易三四次又以括萋根桂末
著管中密塞勿令走氣佩之中其毒者急敷之野談
翁方急以黃荊葉搗爛敷之上皆解救之法然有用
其毒以攻疾厄之毒者別錄取蝮蛇肉釀酒以療癩
疾蝮蛇膽磨汁以塗蠱瘡總取殺蟲攻毒急救之藥

頗多奚必藉此而為異端之術哉姑存以備解救之

法可也清張璐本
經逢原

蛇其種不一埤雅曰蛇盤向壬壬北方也惟蝮蛇胎

產裂母腹而生最毒汀州府志

虺一名蝮形短而小色黃黑中人至急一日不治即

殺人但以刀割瘡肉投地其肉沸如火灸須臾焦盡

而人得活也杭州府志

千載蝮

一名驟聽

林字

一名斫木蛇

談方

一名合木蛇

本州

一名望板歸

同上

一名僕烏蛇

高要縣志

一名

烏撲蛇

普陀山志

千載蝮

按字林云。豚聽形如蜥蜴。出魏興居樹上。見人則跳來嚙之。嚙已還樹。垂頭聽聞哭聲乃去。卽此也。其狀頭尾一般。大如搗衣杵。俗名合木蛇。長一二尺。談楚翁方名斫木蛇。又名望板。歸救之用。嫩黃荊葉搗爛敷之。

明李東璧本草綱目

豚聽千歲蝮木。僕苟印當一類也。○呂忱云。豚聽如蜥蜴。居樹上。齧人。與蘇頌所言千歲蝮相似。說曰。有四足。齧人上樹。曰斫木。斫木卽不可救。曰博叔。博叔

者可急治之成式曰木僕若龜尾長數寸居樹上食
久藏器曰苟印一名苟斗出潮州如蛇四足清方以智通雅
望板歸按字林云睪聽形如蜥蜴居樹上見人則跳
來嚙之嚙已還樹垂頭聽聞哭聲乃去即此也俗傳
嚙已即升木而望棺入乃歸故得此名本州名千歲
蝮楚翁方名斫木蛇以升木時作聲云博叔博叔者
猶可治若云斫木斫斫者不可救也舊傳無藥可療
今按用嫩黃荊葉搗爛敷之又方用細辛雄黃等分
為末內瘡中日三四易又方以括蕒根桂枝著管中

密塞勿令飛氣佩之中毒急敷之緩即不救今古屋

深山中往往有之不可不知此方也丹徒縣志

合木蛇本草以為虺俗呼僕烏蛇有水有樹二種身

頗大長不滿尺稍似鱧魚然能跳躍嚙人嚙已復入

水中或登木上其聲云斫木斫木不可救也若云博

叔博叔猶可急治其身頭尾一似搖衣杵此外蛇種

實繁不可名狀大抵有毒者多無毒者少然冬蟄春

出其舌雙其耳聾其聽以目其蟠向土其毒在涎其

行也紆其食也吞皮數解蛻則蛇所同也嶺表細民


多喜食蛇。遇山澤蛇皆烹食之。相傳食此不畏風霧。惟頷下逆鱗及身有紅綠金銀線及鱗文結聚錯雜者乃不敢食。合薑片及白豆煮之。熟時薑豆黑及試銀簪黑者不食。遠望氣上蒸作火燄光者不食。投之狗斃者不食。然於數者外亦往往致死。水陸珍錯極多。苟非療疾主治。何以此怖毒輕克口腹。高要縣志

普陀山志

爛羊莢

蛇屬

爛羊莢




爛芋英

亦蝮蛇別種。噬人必死。最毒。人不敢食。
高要縣志


蛇屬

爛芋英



兩頭蛇

一名枳首蛇爾推 一名率然孫子 一名越王蛇本州
網目 一名越王約髮同上



兩頭蛇

孫叔敖之為嬰兒也出遊而還憂而不食其母問其故泣而對曰今日吾見兩頭蛇恐去死無日矣其母曰今蛇安在曰吾聞見兩頭蛇者必死吾恐他人又見之吾已殺而埋之也其母曰無憂汝不死吾聞之有陰德者天必報之以福果不死人問之皆諭其能仁也及為令尹未治而國人信之

漢賈誼新書

西方山中有蛇頭尾差大有色五彩人物觸之者中頭則尾至中尾則頭至中腰則頭尾並至名曰率然

茂先註云會稽常山最多此蛇孫子兵法三軍勢如
率然者是也漢東方朔神異經

常山之蛇名率然有兩頭觸一頭一頭至觸其中則

兩頭俱至孫武以喻善用兵者晉張華博物志

兩頭蛇嶺外多有此類時有見者如小指大長尺許

腹下鱗紅皆錯錦文一頭有口眼一頭似有口眼兩

頭俱能進退亦謬也昔孫叔敖見之為不祥乃殺而

瘞之慮後人見之必受其禍而南人見之以為常其

禍安在唐劉恂嶺表錄異記

韶州多兩頭蛇為蟻封以避水蟻封者蟻子聚土為
臺也蒼梧亦多兩頭蛇長不過一二尺或云蚯蚓所

化出嶺南異物志太平廣記

殿中侍御史杜暉嘗使嶺外至康州驛騎童上白曰

請避毒物於是見大蛇截道南出長數丈玄武後追

之道南有大松樹蛇昇高枝盤繞垂頭下視玄武

武自樹下仰其鼻鼻中出兩道碧煙直衝蛇頭蛇遂

裂而死墜於樹下又見蜈蚣大如牛肅曾以其事

問康州司馬狄公狄公曰昔天寶四載廣府因海潮

廣雅釋名
魚鱗類
漂一蜈蚣死剖其一爪則得肉百二十斤至廣州市
有人籠盛兩頭蛇集人衆中言汝識二首蛇乎汝見
二首蛇則其首並出吾今異於是首蛇各一頭欲見
之乎市人請見之乃出其蛇蛇長二尺頭在首尾市
人伶者常以弄蛇為業每執諸蛇不避毒害見兩頭
蛇則以手執之蛇螫其手伶者言痛棄蛇於地加藥
焉不愈其鬻處腫遂浸淫俄而遍身伶者死身遂洪
大其骨肉皆化為水身如貯水囊有項水潰遂化盡
人與兩頭蛇失所在

出紀聞
同上

連州見一柑樹四月中有子如拳大剖之有兩頭蛇

出廣古今五行記
同上

機謹按天中記連州上有調露中三字

中央有枳首蛇枳首者歧頭蓋兩頭也大如指一頭
無目無口然兩頭俱能行一名越王蛇亦名越王約
髮亦名越王弩弦舊云見之令人不利然孫叔敖殺
而埋之亦無它此未可信也今生寧國者黑鱗白章
長盈尺人家庭檻中動有數十同穴又予所見夏月
雨後有蛇如蚯蚓大但身有鱗蜿蜒而行其尾如首

不織殺亦號兩頭蛇則不足為異明矣天問曰中央
共牧后何怒王逸以為牧草名也中央之州有歧首
之蛇爭食牧草之實自相齧齧以喻夷狄相與忿爭
君上何故當怒之乎韓非亦稱蟲有蝮者一身兩口
爭食相齧遂相殺也蝮非蝮蝮乃古虺字蓋謂
此蛇耳然爾雅以為中央之異氣今東南多有者蓋
彼四方皆極荒遠此比之為中爾又今此蛇皆以越
王為名則不獨在中央也會取又云渾夕之山巖水
出焉有蛇一首二身名曰肥遺見則大旱

山海經云
六足四翼

而管子亦曰涸澤之精名曰螭一首兩身以其名呼
之可使取魚鼈此兩蛇皆一首二身又與枳首相反
因類附著之嶺表錄異曰兩頭蛇嶺外多此類時有
如小指大者長尺餘腹下鱗紅背錦文一頭有口眼
一頭似蛇而無口眼云兩頭俱能進退謬也昔孫叔
敖見之不祥乃殺而埋之南人見之為常其禍安在
哉

天問雄雉九首
宋羅願爾雅翼

陣者勝拒敵也類常山之率然擊其首則尾應擊其
尾則首應擊其中則首尾俱應率然者常山之長蛇

也。唐朝高宗臨殿策問，真半千曰：兵書言天陣地陣人陣何也？半千對曰：天陣者是星辰孤虛地陣者是山川向背，人陣者是偏裨彌縫。以臣所見則不然，夫師出以義，有若時雨，得天之時，此天陣也。兵在足食，且戰且耕，得地之利，此地陣也。卒乘輕利，將師和睦，此人陣也。高宗大賞策為上第。宋馬縞中
黃州有小蛇，首尾相類，因謂兩頭蛇。余視之，其尾端蓋類首而非也。土人言此蛇老蛇所化，無甚大者，其大不過如大蚓，行不類蛇，宛轉甚鈍。又謂之山蚓。

揚國寶學士榮陽人，頗以文行著稱。元祐中任開封府推官，一家大小十餘口，以幾盡。國寶最後亦卒，先是國寶有妹孀，依其兄以居，妹有庖婢，一日忽如病心狂語，終日不休，語頗凶恠，或取土為丘墳狀守之，而哭人以為不祥，勸揚逐之。揚不聽，時某與楊同館供職，時揚方喪一女，一日謂余曰：余夜夢一蛇，首有冠，余素聞蛇身而冠，謂之喪門，大不祥。心知楊之禍未已也，不欲言之，已而果然。完丘張來續明道雜誌
兩頭蛇見之令人不吉，大如指，一頭無目無口，二頭

俱能行出會稽人云是越王弩弦昔孫叔敖埋之恐
後人見之將必死也人見蛇足亦云不佳蛇以桑薪
燒之則足出見無可怪也宋唐慎微證類本草
枳兩也郭璞云會稽人言是越王弩弦所化故名越
王蛇江東人名越王約髮博物志云馬螫食牛血所
化然亦自有種類非盡化生也明李東壁本草綱目
按爾雅中夾有枳首蛇中國之異氣也劉恂嶺表錄
云嶺外極多長尺餘大如小指背有錦文腹下鮮紅
人視為常不以為異羅願爾雅翼云寧國甚多數十

同穴黑鱗白章又一種夏月雨後出如蚯蚓大有鱗
其尾如首亦名兩頭蛇又張來雜志云黃州兩頭蛇
一名山蚓云是老蚓所化行不類蛇宛轉甚鈍此即
羅氏所云者也同上
一名越王蛇形大如指有兩頭一頭無目無口但兩
頭俱行明范貞一典籍便覽
謹按事物原始俱行下有以桑薪燒之則足出
八字
兩頭蛇一名越王約髮俗占見之不祥見異苑兩頭

無毒夷人餌之見南越志紀僧真遭母喪開冢得五色兩頭蛇見南史明顧起元說略

常山之蛇名曰率然一身而兩頭擊其一頭則一頭至擊其中則兩頭皆至事文類聚○集事淵海

卒然巨蛇也物觸之中首則尾至中尾則首至中其中則首尾俱至故孫子以此將之三軍果然獸類也

人取一果然則數十可至古人以此人心薄俗有不知者率然見山海經云出常山果然見國史補云出

揚州明張鼎思邈邪代醉編

兼名苑曰兩頭蛇一名越王約髮詩經類考亦名弩

南越志曰兩頭蛇無毒夷餌之上同

續博物志曰兩頭蛇馬鬣食牛血所化上同

孫子兵法曰善用兵者譬如率然率然者常山之蛇

也擊其首則尾至擊其尾則首至擊其中身則首尾

俱至張茂先云會稽山中多此蛇○同上

夢溪筆談曰宣州寧國縣多枳首蛇其長盈尺黑鱗

白章兩首文彩同但一首逆鱗耳人家庭楹間動有

數十同穴略如蚯蚓上同

北方錄云歸化縣有兩頭蛇一名越王約髮言是越王弩弦所化

清來元成博學彙書

枳首蛇大如指俗呼兩頭蛇一頭有口眼一頭無口

眼兩頭皆能行

清廖文英正字通

兩頭蛇本草注兩頭蛇大如指一頭無口目兩頭俱

能進退出會稽嶺表志與本草同乃未聞有見而死

者宋張文潛明道襍志云黃州有小蛇首尾相類因

謂兩頭蛇余視之其尾端如類首而非也土人言此

蛇蚯蚓所化無甚大者又謂之山蚓則二書所云皆

山蚓也攷孫叔敖碑所見乃枝首蛇是一尾而兩頭如枝指然則斯其為異非山蚓類矣

湖廣總志

庶物類纂
卷之三十一

庶物類纂蛇屬卷之二十二目次

虺

岐尾蛇

青竹蛇

青蝻蛇

綠蛇

青蛇

碧蛇

庶物類纂
卷之三十一

蛇屬目次

本草綱目卷之二十一

虺

一名虺
網本
目艸
一名蝮
雅廣

本草綱目卷之二十一

蛇屬
虺

虺

吾初讀莊子，蛄二首，韓非子曰：虫有蛄者，一身兩口，爭食相齧，遂相殺也。茫然不識此字何音，逢人輒問，了無解者。案爾雅諸書，蚕蛹名蛄，音潰，又非二音兩口，貪害之物。後見古今字詁，此亦古之虺字。積年凝滯，豁然霧解。北齊顏之推家訓

水虺五百年化為蛟，蛟千年化為龍，龍五百年為角龍，千年為應龍。梁任昉述異記

毛詩鴻鴈斯干曰：唯虺唯蛇，女子之祥。太平御覽

廣雅釋名卷之十一

國語曰吳伐越王請盟吳王將許之仲胥仲胥伍曰

不可許大夫種勇而善謀將還玩吳國於股掌之上

婉辭順志虺而弗劉為蛇若之何吳王不聽乃許盟

上同

搜神記曰陳留阮士禹傷於虺不忍其痛數嗅其瘡

已而虺成於鼻中上同

楚辭曰雄虺九首儵忽在孔融答路粹書曰來彭寇

賈之徒當世壯士惡相攻能為國患輕薄劣弱者如

兩虺相齧適足還災其誠無所至上同

淮南子曰昔宓成氏之時道路鴈行而處宓成黃帝時造曆上

託嬰兒於巢上致餘糧於畝首虎豹可尾蛇虺可蹙

上同

虺狀似蛇而小銘曰為虺弗推為蛇柰何以此故也

正月之詩哀今之人胡為虺蜴易虺一名蝮福博三

寸首大如壁舊說蝮蛇怒時毒在頭尾螫手則斷手

螫足則斷足蛇之尤毒烈者也一曰蝮與虺異虺如

土色所在有之蝮蛇鼻反其上有鍼錦文衆蛇之中

此獨胎產生輒圻剖母腹亦有與地同色者段氏云

庶物類集卷三十一 蛇屬 虺 三

凡禽獸必藏形匿影同於物類是以蛇色逐地茅兔必赤鷹色隨木字說曰蛇螫人也而亦逃人也是為有它蝮觸之則復其害人也人亦復焉舊云鵠食此類鳥似鷹而紫黑喙長七八寸作同色食蛇蛇入口即爛屎溺着石石亦為之爛其轉巨石作法亦如鸛鳥禹步然羽翮核有毒以櫟酒飲之殺人惟犀角可以解故有鵠處必有犀也宋陸佃埤雅劉器之安世元祐臣也晚在睢陽以鏹二十萬鬻一舊宅或謂此地素凶不可止器之不信始入即有蛇

礎三四出屋室間呼僕斫屏去則率拱立謂有鬼神不敢措手器之怒改命家人輩自納諸筐筐而棄諸汴流朔日則蛇出益多再棄輒復又倍會不浹旬乃至日得五七筐不已也器之不樂因自焚香於土神祠前曰此舍某已用錢易之即是某所居蛇安得據以為恠乎始猶覲神之有職而令校革今數日恠益出是神之不職爾固當受罰雖願仍其舊貫不可得矣顧從者盡培土偶五六擲之河中召匠改塑由是恠不復作宋蔡條鐵圍山叢談

蛇屬 四

毒虺斷首猶能聽以噬人宋江休復

虺類一名虺短身土色而無文嘉祐補註本草

虺與蝮同類即虺也長尺餘蝮大而蛇小其毒則一

食經所謂虺色如土小如蝮蛇者是也詳見蝮下舊

本作虺類一名虺誤矣當作虺蝮類一名虺虺即虺

字虺虺字象相近傳寫脫誤爾陶氏注蝮即虺亦誤


矣虺既是蝮別錄不應兩出今並改正明李東璧

虺蛇屬細頸九頭色如文綬大者長七八尺明胡文

叢書格致

詩經類考曰虺一身而兩口廣雅曰虺蝮也楚辭曰

雄虺九首湖鑑類函



岐尾蛇

一名鈎蛇

水經註

一名馬絆蛇

山海經註

蛇屬

岐尾蛇

歧尾蛇

廣志曰永昌郡有歧尾蛇太平御覽

鈎蛇形長七八丈尾末有歧蛇在山間水中以尾鈎

岬上人及牛羊食之水傍瘴氣特惡氣中有物不見

其形其作者聲中木則折中久則害名鬼彈明范貞一典籍

便覽

寰宇記九真長江水有鈎蛇其蛇食人若殺此蛇則

當令死如不死則尋追報人終不已也雖人眾中往

取害之者萬不失一又曰鈎蛇數丈尾末有鈎取岸

上人及牛馬食之 明陳希顏事
言要玄集


水經注永昌縣西北逕其郡西水左右具饒犀象山
有鈎蛇長七八丈尾末有歧蛇在山澗水中以尾鈎
岸上人牛食之此水傍瘴氣時惡氣中有物不見其
形其作有聲中木則折中人則害名曰鬼彈惟十一
月十二月差可渡正月至十月逕之無不害人故郡
有罪人徙之禁防不過十日皆死也 明陳禹謨
駢志
鈎蛇郭曰今永昌郡有鈎蛇長數丈尾歧在水中鈎
取岸上人牛馬啖之呼馬絆蛇謂此類也○任臣案

張文仲云鈎蛇尾如鈎能鈎人獸入水食之又南方
有响蛇人傷之不死終身伺其主 清吳任臣山
海經廣注

蛇屬

歧尾蛇

本草綱目卷之三十一



青竹蛇

燕物類集卷之三十一

蛇屬 青竹蛇 一

青竹蛇

青蛇此物有二種其腹大尾小者名青冬瓜不入藥
惟腹小漸小至尾者佳即青竹蛇也明鄭康寧藥
性要畧大全
青竹蛇腹下生子臨高
縣志

本草綱目卷之二十一

青蝱蛇

一名青條蛇

外臺
秘要

燕物類纂卷之二十一

蛇屬


青蝱蛇

一

青蝻蛇

時後青蝻蛇論此蛇正綠色喜緣木及竹上與竹木
 色一種人卒不覺若人入林中行晚能落頭上然自
 不甚嚙久嚙久必死那可屢肆其毒此蛇大者不過
 四五尺世人皆呼為青條蛇其尾二三寸色異者名
 高尾最烈療之方破烏雞熱敷之唐王燾外臺秘要方
機謹按鄉藥集成引聖惠方論青蝻作青蛙

博物類纂
卷三十一



綠蛇

博物類纂
卷三十一

蛇屬
綠蛇
一

綠蛇

顧渚山潁石洞有綠蛇長可三尺餘大類小指好棲樹杪視之若般帶纏於柯葉間無螫毒見人則空中

飛出顧渚山記

甄后既入魏宮宮庭有一綠蛇口中恒有赤珠若梧


子大不傷人人欲害之則不見矣每日后梳粧則盤

結一髻形于后前后異之因效而為髻巧奪天工故

后髻每日不同號為靈蛇髻宮人擬之十不得一二

也抹蘭雜誌○元伊世珍瑯環記

博物類纂
卷三十一



青蛇

博物類纂
卷三十一

蛇屬
青蛇

一

青蛇

有人任領南宮至山寺登廁忽有異禽飛集廁前石上跳躍作声若巫家之禹步者須臾石裂出一青蛇乃銜之而去見者大駭問青僧云正鳩鳥也蓋惟食毒蛇乃能成其毒

宋范正敏
趣齋問覽

虞世南貞觀八年進封縣公會大蛇屢見帝憂之以問世南對曰漢靈帝時青蛇見御座晉惠帝時大蛇長三百步見齊地經市入廟宜在草野而入市此所以為怪爾今蛇見山澤適其所居恐有冤獄柱繫宜

省錄繫囚宋孔侯白

青蛇揚朝晟師次方渠水乏有青蛇降險下走視其跡水從而流上同

何實字誠鄉大祖時為帳前軍馬都彈壓曾祖霄雄於實好施與鄉里以善人稱祖崩敬父道忠仕金為北京留守實少孤叔父居氣節不凡家人常入卧內見一青蛇蜿蜒衣被中駭而視之乃實也及長通諸國譯語驍勇善騎射個儻不羈遠近之民慕其雄畧咸歸心焉元史○集

元史○集

宛署記燕京西潭柘寺二青蛇每年四月八日來見寺中僧人函盛傳玩以為神蛇人俗競往施錢手摩之所免危明馮應京

地境圖金寶化為青蛇明范貞一

京師西山寺有二青蛇大者長五丈二三小者長四丈五六如人至僧乃呼蛇以酒肉飼之二蛇輒引啄出入無憚人或遠蛇身旋轉一過謂之不絕人身故謂之曰蛇菩薩吳郡侯甸


青蛇屏山有青蛇大如山身長百餘丈曰捉野獸無

數明王思義三才圖會續集

青蛇色與竹木葉相亂盛夏人行林中時有被齧者

南康府志

碧蛇



碧蛇

萬曆辛亥春，予以勸稼過五渡水，遙見樹下有鄉民聚觀一物，問之云：碧蛇也。其色與樹葉無異，約長三尺，見人不驚，徐入叢棘而去，亦異物也。嵩書

庶物類纂
卷三十一

